



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Stvprvm.

urn:nbn:de:hbz:466:1-30427

STATVTVM.

Stuprum, supra, Constitutio. §. 7.
 in ver. lex. per totum. Exequiz. §. 1.
 An statuere supra mortuarijs sit con-
 tra libertatem ecclesiæ, Exequiz. §. 1.
 Quomodo sunt excommunicati, Ex-
 communicatio. 11.

STRYGIAE.

Strygiae, seu lamiae dicuntur per-
 sonae quaedam, quae in nocte ma-
 xime exercent se in maleficijs. Hae
 aliquando credunt se portari ad lu-
 dos quosdam, & deluduntur in som-
 nijs. c. Episcopi. 26. q. 5. aliquando rea-
 liter portantur, vt expertum est: ali-
 quando per se vadunt, nec hoc est con-
 tradictum c. Episcopi. Nam illa secta,
 de qua loquitur d. c. Episcopi. est alia
 ab hac, quae modo dicitur secta stry-
 giarum, licet in aliquibus cum illa co-
 ueniat, in aliquibus disconueniat.
 Nec est verum, quod mutantur in
 feles, vel alia animalia (vt dicitur)
 quamuis virtute daemonis hoc possit
 videri per artem praestigij, vel circum
 ponendo figuram, & hae saepe fiunt.
 Hae secta non est proprie heretica, &
 expressè, sed praesumptiue: quoniam
 diabolo, quem inimicum Dei credit,
 diuinum honorem exhibet, abnegat
 fidem & baptismum, contemnit sa-
 cramenta, & crucem, homines percu-
 tit morte & aegritudine per fascina-
 tionem, & per actiua naturalia edocta
 à diabolo, & per virtutem ipsius dae-
 monis assistentis, & cooperantis pro-
 pria virtute, vt in refectione portarum,
 & multorum aliorum. Si quis autem
 bene inspiciat illud capit. Episcopi in-
 telliget, quod inquisitores non agunt
 contra illud, dum officium contra has
 exequentur.

STUPRVM.

Stuprum, per quod mulier virgo
 extra matrimonium defloratur,
 mortale peccatum est, constituens pro-
 priam speciem, ex eo, quod aufertur
 virginale signaculum paternae custo-
 diae commissum. Si autem alio modo
 perdat virginitatem, vt per voluntariam
 pollutionem ex se, non erit stuprum,
 sed mollicitas. In masculo autem ad-

huc virgine coeunte cum meretrice,
 vel alia, non erit stuprum, quia non
 ita sub custodia patris est, quod ad hoc,
 nec fit minus nubilis amissa virgini-
 tate, sicut femina. Thom. secunda se-
 cundae. q. 154. a. 6. Ad quid teneatur
 qui stuprauit virginem, supra, Resti-
 tutio. §. 22.

SVFFRAGIA.

SVFFRAGIA pro mortuis fieri
 inceptum ab Apostolis. Tho. 4.
 sent. dist. 45. q. 2. a. 1. q. l. & Aug. lib. de
 cura pro mortuis habenda. & Damas.
 in ser. de suffrag. mortuorum. & Diony.
 c. vlt. de ex. hierar. Ideo credendum
 est suffragia viuorum defunctis pos-
 se prodesse, & credo quod qui petiti-
 naciter non crederet, esset haereti-
 cus: quia videtur repugnare scripturae
 Marc. lib. 2. c. 12. qui liber est in cano-
 ne ecclesiae: vt patet per Aug. libr. 18.
 de ci. Dei, & per concilium Cartha-
 ginem. licet apud Iudaeos non sit Ca-
 nonicus: vt dicit Hieron. in prologo
 galeato: & pro hac haeresi fuerunt
 Graeci condemnati in concilio Floren-
 tino. supra, Purgatorium, per totum,
 Indulgentia. §. 19. Non est igitur ne-
 gandum suffragia pro mortuis fieri ef-
 se utile.

Qui in suo testamento ordinauit
 aliqua bona fieri pro anima sua, post
 mortem premium talium bonorum,
 seu suffragiorum consequitur, etiam an
 requam fiat ab executoribus, quantum
 est ex opere operante principalis agen-
 tis, siue testatoris, sed quantum ad effi-
 caciā suffragiorum, quae est ex opere
 operato, vel ex opere operante exequen-
 tis, non consequitur fructum antequam
 fiant, & hoc modo tarditas executorum
 nocet defunctis, quod ad penam pur-
 gatorij, quae est temporalis: secundum
 Tho. supra, ad quartum. Non possunt
 tamen defuncti defraudari quod ad æ-
 ternam retributionem, nisi per pro-
 priam culpā. supra, Executor. §. 16. &
 ibi quomodo grauiter peccant tales
 defraudantes, tanquam egentium ne-
 catores.

SVFFRAGIA facta pro mortuis,
 non tantum profunt illis, sed etiam fa-
 cienti.